



Forum Ecclesiasticum

In Quo Jus Canonicum Universum, Librorum Ac Titulorum Ordine Per Quæstiones Et Responsa, Tam Canonistarum Veterum & Recentiorum, quàm Legistarum, in iis, quæ Utrique Juri, Canonico Et Civili Communia Sunt, Authoritate stabilita, Methodo clara & facili explanantur

Leuren, Peter

Moguntiae, 1719

Quæst. 460. Quibus constituatur hypotheca legalis seis à lege.

[urn:nbn:de:hbz:466:1-73957](https://nbn-resolving.org/urn:nbn:de:hbz:466:1-73957)

Quæst. 460. Quibus in specie constituatur hypotheca legalis seu à lege?

I. Resp. Hæc hypotheca, quæ conceditur ob singularem debiti. Aut creditoris favorem vel ob præsumptam partium conventionem statuitur. Primò Fisco (qui hic sumitur pro toto aliquo colectivo seu universitate rerum pecuniarum & juri-um ad rempublicam spectantium, ita ut, quod in privato est patrimonium, illud in Republica sit Fiscus; unde describi potest cum Lauterb. *ad ff. de jur. fisci*. §. 4. quod sit patrimonium Reip. res omnes & jura ad peculiare ejus commodum pertinentia comprehendens, utilitatibus & necessitatibus publicis inserviens: fungiturque mysticè seu civiliter vice personæ, ut Idem §. 2. juxta *l. 22. ff. de fidejuss.* dum de eo quasi de persona aliqua loquimur dicendo: fiscus succedit, contrahit, alienat, litigat, aliaque facit per Advocatos & Procuratores suos. *l. 3. §. 21. 28. ff. de jure fisci*. Huic inquam conceditur hypotheca legalis; & primò quidem in bonis cujuscunque debitoris sui & qui cum eo contraxit. *L. 2. §. 3. C. de privil. fisci*. *l. 2. C. ex quib. caus. pign.* Lauterb. *in ff. ibid.* §. 1. Laym. *l. 3. c. 31. n. 3.* ut & in bonis contrahentis cum alio, cui Fiscus successit à tempore hujus successione. Muller. *ad ff. in quib. caus. pign. th. 15. lit. a.* (qui tam *lit. v.* addit, quod Fiscus succedens in jus privati, non possit in præjudicium aliorum creditorum auctoris sui exercere proprium privilegium in hypotheca, sed debeat uti jure illius, cui succedit. *L. 6. de jur. fisci*. quia melioris conditionis esse non debet, quàm author, à quo jus in eum transit) Lauterb. *l. c.* Bachov. *de pign. l. 1. c. 9. n. 1.* Extenditurque hæc hypotheca ad bona futura post contractum cum fisco initum acquisita. Lauterb. *l. c.* estque privilegiata, ut in iis anterioribus hypothecariis creditoribus generali hypothecâ instructis præferatur. *L. 28. ff. de jure fisci*. Bachov. *l. c. l. 4. c. 6. n. 1.* Carpz. *l. 4. resp. 14. n. 6.* Muller. Lauterb. *LL. cit.* remittens ad Merlin. *de pign. q. 87. n. 4.* Secundò in omnibus subditorum bonis ratione tributorum. *L. 1. C. in quib. caus. pignus. l. 1. C. si propter. public. pensitat.* etiam extraordinariorum ob generalitatem *cit. LL.* Carpz. *7. F. p. 1. const. n. 28. def. 49.* Lauterb. §. 9. Est quoque hæc hypotheca privilegiata, ita ut in his præferatur anterioribus creditoribus hypothecariis. *L. 1. C. si prop. publ. pensit.* Bachov. *l. c. l. 4. c. 10. n. 1.* Carpz. *l. c. def. 47.* Lauterb. *l. c.* Tertio in omnibus bonis primipili (qualis juxta Donell. & Cujac. apud Schard. *in Lexic. jurid. h. v.* dicitur supremus militari annonæ curandæ præpositus) quin & in subsidium in bonis dotalibus uxoris illius (non tamen in paraphernalibus) imò & liberorum, pro eo, quod fisco debetur ex administratione primipilari seu annonæ militaris. *L. 3. C. de primipilo. l. 4. C. in quib. caus. pign.* Muller. *l. c.* dicens id speciale esse, quòd in hoc casu bona filii sunt obligata, etsi is hæres non sit. *L. fin. C. de primipilo.* Estque hæc hypotheca primipilari privilegiata super omnes alios hypothecarios etiam privilegiatos. *cit. l. 3. & ibi Brunem.* Lauterb. §. 7. locumque habet in iis, qui hodie militaris annonæ curam habent, & stipendia militibus solvunt; ut sunt Commissarii bellici, quippe qui in hoc funguntur primipilari officio. Lauterb. *l. c.* non tamen extendunt se hodie ad alios Regum & Principum quæstores, qui extra illorum ærarium administrant, ut Idem cum Merenda. *l. 6. controu. c. 39.* Perez. *in Cod. tit. de primil. n. 6.* Quarto in

bonis officialium & administratorum suorum. *L. auferunt. ff. de jure fisci. l. 1. §. 2. in quib. caus. pign.* Azor. *p. 3. l. 7. c. 3. in pr. Mull. cit. th. 15. lit. d.* Quò ad pœnas & debita, quæ ex delicto descendunt, nulla fisco competit hypotheca. *L. 17. §. 37. ff. de jur. fisci.* Lauterb. *l. c. §. 11.* quam sententiam etsi communem dicat Merlin. subdit tamen ex tempore sententiæ & condemnationis, etiam ratione pœnarum fisco tacitam competere hypothecam, per *l. 2. C. in quib. caus.* ubi etiam dicunt Brunem. & alii apud Lauterb. qui etiam testatur, quòd in Ducatu Würtemberg. pœnæ fisco debite habeant privilegiam hypothecam. In bonis debitoris vacantibus, vel ob crimen publicatis, fiscum contra creditores illius debitoris nullo uti posse privilegio, sed illis omnibus ex iis satisfacere teneri juxta *l. 11. §. 37. ff. de jur. fisci.* cum Bachov. *de pign. c. 9. n. 1.* ait Lauterb. *l. c.* Sic quòd in casu confiscationis bonorum nullo jure (intellige prælationis) gaudeat fiscus; sed omnibus creditoribus postponatur ex Wefenb. *in ff. de privil. creditor. n. 6.* tradit Richter. *de jure & privileg. creditor. c. 2. memb. 5. n. 48.* quod distinguunt alii apud Muller. *cit. th. 15. lit. c. in fin.* ita ut sequatur publicatio bonorum, nullum habeat pignus; non ante condemnationem; quia ante illam nullum habet jus. *L. 20. de jur. fisci.* nec post illam publicationem bonorum fit Dominus illorum; & ita res sua ei obligari nequit. Dum verò reo imponitur tantum pœna pecuniaria post condemnationem, consequitur pignus, solutus prius debitis. *cit. l. 17. §. 37. de jur. fisci.* Negul. *de pign. p. 2. memb. 4. à n. 115.* Muller. *l. c.* De cætero, quòd in pœnis fiscalibus hypotheca incipiat tempore late sententiæ & condemnationis, tradunt Hahn. ad Wefenbec. *ad ff. in quib. caus.* & Carpz. *p. 1. c. 18. def. 104.* Porrò hodie hoc jure fisci gaudere non tantum æraria publica Imperatoris & Imperii; sed etiam reliquorum Principum & Statuum Imperii, nec non civitatum Imperialium. Quin & idem dicendum de nobilibus immediatis, qui bona vel castra jure territoriali possident; cum quilibet territorii dominus de bonis immobilibus in suo territorio sitis tributa & collectas jure territorii exigat, ut fuse Mevius. *p. 2. decis. 372. n. 13.* afruit Lauterb. *loc. cit. §. 12.* negat è contra §. 13. arcas seu cassas communes civitatum municipalium aliarumque universitatum jure civili in bonis debitorum suorum hujusmodi tacitam hypothecam habere juxta *l. 2. C. de jur. Reip. l. 10. ff. ad municipal.* nisi fortè alicui privilegio, statuto vel consuetudine hoc concessum. Denique hanc hypothecam fiscalem transire in cessionarium fisci seu procuratorem in rem suam, etiam cum privilegio prælationis, affirmat Lauterb. *l. c. §. 14.* citans pro hoc *l. fin. C. de privil. fisci.* & Richter. *tr. de jur. & privil. creditor. c. 3. m. 5. à n. 29.* addita etiam ratione ex Alphon. de Olea. *de cess. jur. & act. tit. 6. n. 26.* nimirum quòd speciale sit in fisco, quòd omnia sua privilegia concessa possit cedere, ut eò facilius inveniatur, qui debita fiscalia emat, & pro illis solvat. Secundò hypotheca tacita est concessa marito (non tamen regulariter ejus hæredibus; cum dos solvo matrimonio ab hæredibus mariti peti non possit juxta *l. unic. §. 6. C. de rei uxorar. act.* Lauterb. *ad ff. in quib. caus. §. 15.*) in bonis uxoris, vel illius (sive is sit focer, sive extraneus) qui uxoris loco promissit dotem, pro promissa dote consequenda. *l. unic. §. 1. Negul. de pign. p. 2. m. 4. num. 225.* Bachov. *tr. eod. l. 1. c. 10. n. 1.* Carpz. *p. 1. decis. 57. n. 9.* Lauterb. *l. c.* aut pro eo consequendo, quod

quod interest, si dos data fuerit evicta. *cit. l. unic. §. 1.* modò tamen, ut idem, dotis dationem præcesserit ejusdem promissio; aut res in dotem data venditionis gratiã estimata. Incipit hæc hypotheca competens marito, non à tempore promissionis matrimonium præcedentis, sed ex die secuti matrimonii. Lauterb. §. 16. Estque simplex non privilegiata, ut idem cum Merlin. *l. 3. quest. 47. num. ult. & Carpz. loc. cit. à num. 6.* E contra quoque uxor pro securitate dotis allata ejusque repetitione seu restitutione habet tacitam à lege constitutam hypothecam in omnibus bonis, tam corporalibus quam incorporalibus, mobilibus & immobilibus; non tamen in feudalibus ex sententia recepta in Camera Imperiali teste Lauterb. §. 32.) mariti vel ejus, qui dotem supplet *cit. l. unic. §. 1. §. 29. Instit. de act. l. 12. C. qui potior. in pign. §. c. 5. h. t.* ubi etiam, quòd uxor ob delictum aliamve obligationem mariti conveniri non possit in judicio, neque dote privari, ut laso à marito satisfaciatur, aut propterea fieri immisso in alia etiam bona uxoris. Arg. *l. 1. §. 2. C. ne uxor pro marit. Pirh. h. t. num. 5.* His non obstante, quòd maritus sit ætate minor, si enim Magistratus potest tacitam hypothecam constituere in bonis minorum, ut dicitur infra, consequens est, ut idem possit legis dispositio. Lauterb. §. 32. Neque etiam, quòd maritus protestatus fuerit, nolle se bona sua pro dote ei obligata; cum protestatio in iis tantum operetur, quæ dependent ab arbitrio protestantis, non verò, quæ dependent à legis dispositione. Lauterb. *loc. cit.* Conceditur hæc hypotheca uxori ex eo tempore, quo dote promissa matrimonium est contractum, licet ex post prius dos data sit & soluta; non enim tempus solutionis sed promissionis respiciendum, modò matrimonium contractum, cum eo nondum contracto nec dos nec hypotheca esse possit, & ita tenent Merlin. de *pign. l. 3. quest. 74. à num. 8.* Bachov. *tr. eod. l. 1. c. 9. num. 12.* & alii, quos citat & sequitur Lauterb. *loc. cit. num. 17.* poteritque uxor statim à contracto matrimonio uti hoc jure suo; V. g. ad impediendam executionem in bonis mariti, ut Carpz. *p. 1. c. 28. def. 69.* apud Lauterb. Estque hæc hypotheca privilegiata, ita ut cæteris creditoribus anterioribus habentibus hypothecas simplices, seu similiter non privilegiatas præferatur, *l. 12. §. 1. C. qui potior in pign. Molin. de p. §. 1. r. 2. d. 536. num. 2.* Pirh. *h. t. num. 8.* Lauterb. §. 18. Et præferri illam non tantum hypothecis anterioribus tacitis, sed & expressis; cum Imperator. *cit. l. 12.* distinctionem non faciat inter hypothecas alias tacitas & expressas, volueritque sine exceptione & plenissime succurrere uxoris, quòd ad conservationem dotis contra anteriores hypothecas, tenent Bachov. de *pign. l. 4. c. 12. num. 1. & 2.* Perez. in *Cod. tit. de jur. dot. à num. 18.* Harp. ad §. 10. *Instit. de act. num. 7.* Carpz. *loc. cit. def. 65. num. 2.* & alii apud Lauterb. §. 19. qui tamen ait, quòd quamvis hæc sententia de jure videatur verior, & olim quoque præjudicio Camera Imper. approbata teste Mynf. *cent. 4. obs. 13.* ab ea tamen AA. communiter recedere, & hypothecam anteriorem expressam tacitæ hypothecæ præferre; citatque pro hac sententia posteriore. Merlin. de *pign. l. 3. q. 66.* Gylm. *Symph. c. 3. v. hypotheca.* Gail. *l. 2. obs. 25. n. 10.* qui etiam ad communem praxin, imò & stylum Camerae provocat ubi tamen is de hoc nihil. Carpz. *cit. def. 65. à n. 15.* & alios. Ad illud verò, quid obtineat, ubi hypotheca dotis privilegiata concurrat

R. P. Leurr. Jur. Can. Lib. III.

cum aliis hypothecis, non respondet, sed remittit ad Merlin. *cit. l. 3. quest. 77. & quest. 61. num. 2. & 4.* Bachov. *l. 4. c. 14.* & ad seipsum ad *tit. qui potior in pign.* In specie, quòd quò ad jus hypothecæ hujus uxor præferatur fisco tanquam magis privilegiato, cum Jafone in *l. 1. ff. solut. matrim. & Negul. tr. de pign. p. 2. m. 108.* tradit Gail. *l. 2. obs. 86. num. 5.* allegans communem. Unde fiscus confiscatis bonis mariti ad restitutionem dotis tenetur Gail. *loc. cit.* Competit hæc tacita hypotheca privilegiata non tantum uxori, sed etiam ejus liberis ex eodem matrimonio, ex quo dos petitur, procreatis, *cit. l. 12. §. 1. qui pot. in pign. Novell. 91. pr. & §. 1. Carpz. cit. c. 28. def. 96.* ita in praxi observari testans. Bachov. *loc. cit. c. 13. num. 2.* Lauterb. in *ff. in quib. caus. pign. §. 20.* non quidem, ut idem, jure hæreditario, sed ex speciali legis concessione. Non tamen competit liberis alterius matrimonii; neque etiam aliis uxoris & liberorum hæredibus quæ talibus. *cit. l. 12. §. 1. & cit. Novell. Merlin. loc. cit. quest. 47. num. 22. & 23.* Neque regulariter competit cessionario, cui uxor vel ejus liberi actionem ad dotem repetendam ex causa ad dominium transferendum habili demandarunt, & sic, cum procuratorem in rem suam constituerunt; nisi forte mulieris cedentis interlit, ut cessionarius quoque uti possit hoc privilegio. Lauterb. §. 21. citatis aliis; secus esse dicens de procuratore in rem uxoris vel liberorum constituto. Neque competit ipsi uxori, dum est hæretica, utpote indignæ hoc tacitæ hypothecæ privilegio. Lauterb. *loc. cit. §. 23.* citans *Novell. 109. c. 1. Auth. idem privilegium. C. de hæreticis.* Nisi tamen ejurata hæresi ad gremium ecclesiæ redierit, pro ut id communiter à DD. limitari ait cum Merlin. *cit. l. 3. quest. 81.* idem de Judæa dicit Arg. *cit. Novell. & cit. Auth. Mantie. de tactu & ambig. conv. l. 11. tit. 18. num. 33.* Carpz. *loc. cit. def. 82. & seq.* Item negatur uxori dictum jus prælationis communem cum marito exercentis negotiationem, & simul debita contrahentis; cum habeat hoc privilegium contra mariti, & non contra proprios creditores. Lauterb. *cit. §. 23.* Item si ei renunciavit, ut idem. Item si sciens obærato nupserit. Lauterb. quamvis dicat hanc sententiam non carere dubio; quia lex de hoc deficit. Uxori putativæ, quæ nimirum bona fide contraxit matrimonium ipso jure invalidum, competere hanc hypothecam privilegiatam tenent Merlin. *loc. cit. q. 69. num. 7.* Bachov. *l. 4. c. 13. n. 4.* Mantie. &c. qui ob favorem dotis censent privilegium, quod olim competebar uxori putativæ per *l. 22. §. ult. ff. solut. matrim. & l. 17. ff. de reb. Auth. jud. possid.* extendi ad hanc hypothecam, Verùm de jure veriorum contrariam sententiam censet. Lauterb. §. 24. Sponsa quoque, quæ spe futuri matrimonii sponso suo dotis nomine prænumeravit aliquid, & non secutis nuptiis id repetit, hypotheca hujusmodi tacita denegatur à Negulant. *p. 2. m. 4. n. 71.* Carpz. *p. 2. c. 24. def. 1.* Rodriq. de *concur. creditor. p. 2. m. 4. n. 5.* Zal. in *cit. l. 17. §. 1. & aliis* apud Lauterb. §. 25. iis consentientem. eo quòd ubi non est matrimonium, neque uxor, neque maritus, neque dos, ibi nec dotis & hypothecæ dotalis jura & privilegia sint; dissentientibus nihilominus apud eundem Bachov. Hahn. Merlin, sic denique neque extraneo, qui dotem dedit, & eam soluto matrimonio sibi restitui stipulatus est, nullum competere privilegium tacitæ hypothecæ. Arg. *l. unica, §. 1. & 13. C. de rei uxoris. act. communiæ*

munem esse sententiam, astruunt Merlin. *loc. cit. quest. 56.* Uti hypotheca hac privilegiata potest, non tantum in ipsa dote, sed etiam in ejusdem augmento; cum accessorium dotis sit ejusdem cum ea naturæ. *Novell. 97. c. 2.* Merlin. *loc. cit. quest. 50. à num. 1.* Lauterb. §. 30. ex tempore tamen accedentis augmenti, & non dotis primitus constitutæ. Merlin. *loc. cit. n. 15.* Lauterb. *l. c.* modò tamen nihil factum in fraudem vel præjudicium creditorum. Idem de usuris ex dote debitis dicendum. Lauterb. §. 31. nam etiam, ut idem *ad tit. de pignor. §. 59.* pro his constitui potest hypotheca; cum, si simpliciter pro debito constituta est hypotheca, etiam pro usuris & impensis constituta censetur. *l. 8. §. fin. ff. de pign. 2.* Ut autem uxor ejusque liberi dicto prælationis jure efficaciter uti possint, dotis dationem seu numerationem probare debent legitime; V. g. per instrumenta vel testes. Masc. *de prob. vol. 2. concl. 115.* Brunem. *ad l. 12. §. 1. C. qui pot. in pign.* Lauterb. *in ff. in quib. caus. pign. §. 27.* Non sufficiente sola confessione mariti magno ære alieno jam gravati, vel facultatibus lapsi ad dotis numerationem probandam in præjudicium creditorum; cum non tam sit confessio testimonium in sui ipsius favorem & creditorum præjudicium. Lauterb. *loc. cit. §. 28.* secus esse dicens, si maritus facultatibus nondum lapsus, nec alia ratione fraudis suspectus, data apochæ, se hanc vel illam summam dotis nomine accepisse post confectum instrumentum dotale ex intervallo temporis confessus fuerit; cum hoc ipso probetur illatio dotis, non solum in præjudicium mariti ejusque hæredum, sed etiam creditorum. Idque etiam, ut Lauterb. §. 29. si tempora exceptioni non numeratæ dotis præfinita sint elapsa, ita ut post illa elapsa nec creditores mariti contra illius confessionem illam opponere possint ad eum effectum, ut mulier numerationem dotis aliter probare cogatur.

2. Habent insuper uxores hypothecam tacitam in omnibus mariti bonis ratione bonorum aliorum præter dotalium. Ac primò quidem ratione paraphernalium, quæ præter dotalia marito intulerunt, eique administranda commiserunt, quam eis Justin. Imperat. in subsidium, si expressa ab iis desuper hypotheca constituta non fuit, concessit. *l. ubi adhuc. C. de jur. dot. l. fin. C. de pact. conv. Azor. p. 3. l. 7. tr. de pign. c. 13. §. sed nunquid.* Merlin. *l. 3. quest. 14. num. 1.* Bachov. *de pign. l. 1. c. 9. num. 13.* Pirh. *h. t. num. 8.* Lauterb. §. 33. competit illa iis ex tempore illationis dictorum bonorum. *cit. l. fin.* & ibi Brunem, & etiam mariti sint minores ætate. Bachov. Lauterb. *LL. cit.* Est hæc hypotheca simplex, seu non privilegiata, per quod differt ab ea, quam habent ratione dotis. Merlin. *de pign. l. 3. quest. 54. num. 6.* Carpz. *p. 2. c. 24. def. 3. num. 2.* Mynf. *cent. 5. obs. 4.* Barbof. *ad cit. l. fin. num. 8.* Lauterb. §. 34. secus tamen est, si ve ne quidem tacitam hypothecam simplicem ratione paraphernalium habent, si ea penes se retineant, ita ut maritus eorum administrationem non habeat. Abb. *inc. 5. h. t. num. 10.* sic explicans Gloss. *in c. ex literis. v. obligata.* dum negat uxorem habere hypothecam tacitam ratione paraphernalium, nimirum non commissorum administrationi mariti. Covar. *l. 1. var. c. 7. num. 1.* Azor. *loc. cit.* quos citat & sequitur Pirh. *h. t. num. 8.* Sed neque pro cæteris bonis, quæ aliàs receptitia dicuntur, quorum administrationem marito non concessit uxor, sed sibi reservavit, ullam hy-

pothecam tacitam habet; quia quò ad illa deficit legis dispositio. Merlin. *loc. cit. num. 5.* Lauterb. §. 35. unde etiam si ex his pecuniam mutuam dedit marito, inter simplices creditores in concursu creditorum numeratur. Carpz. *p. 1. c. 28. def. 90.* Lauterb. *loc. cit.* Secundo pro donatione propter nuptias tacitam hypothecam habet uxor. *Novell. 109. c. 1.* Negulant. *de pign. p. 2. m. 4. num. 64.* Carpz. *loc. cit. num. 91.* Merlin. *loc. cit. quest. 55. num. 1.* per *l. 29. C. de jur. dot.* Lauterb. §. 37. non est tamen privilegiata, si agat ad donationem illam sibi consequendam, secus, si illam petat tanquam rem pro dote sibi specialiter obligatam; tunc enim hypotheca illa privilegium dotis habet, & per consequens etiam prælationis; cum tunc pro dote potius, quam pro donatione propter nuptias agat. Et ita sub hac distinctione tenent. Abb. *loc. cit. num. 9.* Covar. Pirh. Lauterb. *LL. cit.* Merlin. *loc. cit. num. 3.* Negus. *loc. cit. à num. 65.* Denique pro alimentis consequendis tacitam in mariti bonis uxori concedi hypothecam tenent Negus. *loc. cit. à num. 4.* & tanquam communem usque receptam defendit Merlin. *loc. cit. quest. 51. à num. 1.* De communi etiam testatur Surd. *de alm. tit. 8. provil. 49. à num. 1.* eam tanquam æquioram & sanioram amplectam esse Cameron Imperialem, ait Mynf. *l. 1. obs. 64. num. 5.* cum tamen nihil cautum quò ad hoc, & sine lege tacitas hypothecas fingere non liceat, de jure civili eam hypothecam non agnoscunt. Gratian. *decis. 129. num. 15.* Perez. *in Cod. de R. V. act. num. 11.* Fachin. *l. 12. contrav. c. 33.* & apud Lauterb. §. 39.

Quest. 461. Tacita hypotheca an & qualiter concessa pupillis & minoribus in tutorum & curatorum suorum bonis?

REsp. Etsi primitum jure veteri pupilli & minores non haberent nisi privilegium personale exigendi. *l. 49. §. 1. ff. de administ. tutor. l. 23. ff. de reb. Aurb. Jud. poss.* postmodum tamen iisdem quoque concessa hypotheca tacita in cunctis bonis tutorum & curatorum suorum contra male gestam administrationem tutelæ & curæ. *l. 20. C. de administ. tut. l. unic. §. 1. C. de rei uxor. act. Novell. 118. cap. 5. in fin.* non tamen eam jam quæsitam minoribus transire ad eorum hæredes, ita ut hi bona tutorum & curatorum ob malam administrationem tutelæ & curæ hypothecaria actione prosequi possint, asserunt variis adductis juris textibus apud Lauterb. *in ff. in quib. caus. pign. tacite contrab. §. 41.* Berlich. *p. 1. concl. 67. à num. 32.* Coler. *p. 2. decis. 274.* Franzk. *in ff. de pign. num. 34.* Carpz. *p. 2. c. 24. def. 3.* dicens jus illud hypothecæ competens pupillis esse personalissimum. Item Muller. *ad Struv. in ff. in quib. caus. th. 15. Lit. C.* Verùm etsi ipsum privilegium, vi cuius minoribus 25. annis hæc tacita hypotheca acquiritur, in illorum hæredes non transmittatur; jus tamen in re vi hujus privilegii jam quæsitum minoribus & actionem hypothecariam inde natam in eorum hæredes transire tenent Brunem. *ad cit. l. 20. C. de administ. tutor.* Negul. *de pign. p. 2. m. 4. num. 30.* Mevius. *p. 3. decis. 303.* & alii apud Lauterb. *loc. cit.* ubi etiam contra quod obmover Richer. *Deficere hic legis dispositionem,* ait, hanc necessariam esse ad inducendam, non verò ad transmittendam hypothecam tacitam exemplo hypothecæ pro dote, hanc hypothecam quoque